

Stáhtaráđi ášahus

guollebivddus Deanu čázádaga oalgečázádagain jagi 2023

Stáhtaráđi mearrádusa mielde mearriduvvo guolástanlága (379/2015) 46 § 3 momellantta, 48 § 3 momellantta ja 52 § 2 momellantta sihke guollebivddus Deanu čázádagas Norggain dahkkojuvvon soahpamuša láhkaásaheami suorggi mearrádusaid fápmuibidjamis ja guoskadeamis addojuvvon lága (176/2017) 7 § 3 momellantta vuodul:

1 §

Guoskadanviidodat

Dán ášahusas mearriduvvo eará guliid go luosa bivddus čuovvovaš Deanu čázádaga luossagoarggunviidodagain:

1) Buolbmátjávri, Gálddašjohka Luovosvárjoga njálmmi rádjái, Badje-Buolbmátjohka Badjegoržži rádjái, Luossajohka Luossajávri rádjái, Morešveaijohka njeallje kilomehtera bajás luoitinsajis Badje-Buolbmátjoga rádjái sihke Skihpajohka vuosstaš luobbala rádjái;

2) Veahčajohka Veahčajávri rádjái ja Váišjohka Váišluobbala rádjái;

3) Ohcejohka Mierašjávri rádjái, Čarsejohka Linjkinjohnjálmms 10 kilomehtera bajás ja Geavu Fiellogáhjoga njálmmi rádjái;

4) Goahppelašjohka Birkejohnjálmmsi rádjái, Birkejohka Badjegoržži rádjái sihke Goaskinjohka Goaskinjávri rádjái;

5) Njiljohka 13 kilomehtera nuppi juovahatgietti rádjái;

6) Áhkojohka goržži rádjái;

7) Gáregasjohka vihtta kilomehtera Luopmošjohnjálmmsi bajás.

Guollebivdui 1 momellantas namuhuvvon viidodagain guoskaduvvo dasa lassin luossabivddu mearreáigásaš gielddimis Deanu čázádagas addojuvvon láhka (342/2023) sihke guollebivddus addojuvvon stáhtaráđi ášahus (1360/2015) dakko buohta go dán ášahusas ii nuppe láchkái mearriduvvo.

2 §

Guollebivddus lobálaš bivdoneavvut

Guollebivdu lea lobálaš dušše čuovvovaš bivdoneavvuiguin ja -vugiiguin:

1) njánngofierbmi Ohcejoga, Veahčajoga ja Buolbmátjoga čázádagas;

2) stággu ja vuogga buot guovlluin;

3) guollehehkke guoika- ja rávdnjeviidodagain olggobealde;

4) njáhkároahkki jieŋa alde bivddedettiin.

3 §

Guollebivddu gielddusviidodagat

Čuovvovaš viidodagain ii oaččo guolástit:

1) Badje-Buolbmátjohka ja dan oalgejogat

- 2) Gálddašjogas joganjálmmi rájes Luovosvárjoga joganjálmmi rádjái nu ahte Gálddašluoppal lea mielde;
- 3) Ohcejohka johkanjálmmi rájes gitta Ohcejoga ja Njuorggáma gaskasaš eatnangeainnu šalddi rádjái;
- 4) Čársejohka vuollegoržžis 60 mehtera mátkkis goržži niskkis vulos guvlui.

4 §

Almmolaš vahkkoráfáidahttin

Maŋnelis 5 ja 10 §:s mearriduvvon bivdoáigodagaid áigge visot bivdu lea gildojuvvon sotnabeaivvis diibmu 19 rájes gitta vuossárgga diibmu 19 rádjái earret guollebivddu jávriin 200 mehtera duohken joga oivošis dahje njálmmis.

5 §

Guollebivdoáigodat stákkuin ja vuokkain

Stákkuin ja vuokkain lea lohpi bivdit Buolbmátjoga, Veahčajoga ja Ohcejoga čázadagain geassemánu 1. beaivvi rájes gitta borgemánu 31. beaivvi rádjái.

Eará go 1 momeanttas dárkkuhuvvon čázadagain stákkuin ja vuokkain lea lobálaš bivdit geassemánu 1 beaivvi rájes gitta borgemánu 20. beaivvi rádjái.

6 §

Ráddjehusat mat gusket seavtti ja áŋkorbivdosiid

Seaktin ii oaččo geavahuvvot reahka, guolli iige máhtu.

Njáhkároahki oažžu geavahit dušše go njáhká bivdojuvvo jieŋa alde. Deanu čázadagas váldojuvvon jápmán seakteguoli geavahus lea goittotge lobálaš njáhkároahkiin guolástettiin ja máhtu geavahus seaktin lea lobálaš jieŋa alde oaggumis.

Vuokkas oažžu lea eanemustá okta golmmasuorat áŋkor dahje eanemustá golbma ovttasuorat áŋkora.

7 §

Veahkkeneavvu mii geavahuvvo stággobivddus

Bivdosii darvánan guoli loktemis gáddái oažžu veahkkeneavvun geavahit dušše hoava.

8 §

Gildojuvvon stággobivdinduovdagat

Stággoguollebivdu lea gildojuvvon

- 1) 10 mehtera lagabus njáŋggofierpmi;
- 2) šalddi alde;
- 3) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus sihke Gálddašjoga ja Badje-Buolbmátjávri njálmmis Buolbmátjávrris.

9 §

Gođđojuvvon bivdosiid geavahanmeari ráddjehus

Guollebivddus lea lohpi geavahit ovttáigásaččat eanemustá vihtta njáŋggofierpmi giddodaga guovdu.

10 §

Guollebivdináigi njáŋggofierpmiin

Guollebivdu njáŋggofierpmiin lea lobálaš johkaossodagain jienaid vuolgima rájes gitta geassemánu 20 beaivvi rádjái sihke borgemánu 1 beaivvi rájes gitta 31 beaivvi rádjái.

Guollebivdu lea lobálaš oppa jagi jávrriin guhkkelis go 200 mehtera geahčen joga oivošis dahje njálmmis.

11 §

Fanasbivdu

Guollebivdu ja guollebivdobiergasiid suhppen fatnasis go mohtor manná sihke rávdnjái dasanaga áŋkorastojuvvon fatnasis lea gildojuvvon.

12 §

Bivdosiid merken

Bivdinláhkáid biddjojuvvon njáŋggofierpmit fertejit merkejuvvot čielgasit nu, ahte čázadagain johttit fuobmájit daid. Bivdosat fertejit merkejuvvot uhcimustá 15 sentimehtera čázeoaivvi bajábeallai olli govddohagain dahje uhcimustá 40 sentimehtera čázeoaivvi bajábeallai olli stággui giddejuvvon láhpui, man oaneheamos siiddu guhkkodat leat uhcimustá 15 sentimehtera.

Bivdosiidda fertejit merkejuvvot bivdosa biddji namma ja oktavuohtheadieđut sihke dan giddodaga namma, masa bivdovuoigatvuohta gullá. Njáŋggofierbmái mearka lea giddejuvvon bivdosa geahčái giddejuvvon govddohakkii, mii oidno álkit.

13 §

Bivdu fierbmebivdosiiguin

Njáŋggofierbmi, mii geavahuvvo guollebivddus, oažžu leat eanemustá 3 mehtera allosaš bodnefierbmi, mas lea fierbmečoalli ovttain vuovssain seahka haga ja mii lea válmmaštuvvon nylonláiggis, mas lea okta sáiggar, ja man assodat oažžu lea eanemustá 0,20 millimehtera. Fierpmi allodat ii oáččo leat stuorát go čázi čikjodat guollebivdinsajis.

Njáŋggofierpmiin guolástettiin ii oáččo geavahuvvot dahkurávdnjesuodji iige vuojahatfierbmi.

Njáŋggofierpmi galljodat ferte leat uhcimustá 29 millimehtera ja dat oažžu leat eanemustá 40 millimehtera čuolmma gaskačuoggáš čuovvovaš čuolmma gaskačuoggái njuoska bivdosis mihtidettiin.

Buolbmátjávrris, Ohcejoga luobbaliin sihke Veahčajoga Rievssatjávrriin njáŋggofierpmit ožžot leat alibut go 3 mehtera ja reaskábivddus lea lohpi geavahit firpmiid, maid galljodat leat uhcimustá 17 millimehtera. Čakčamánu 1 beaivvi rájes gitta cuoŋománu 30 beaivvi rádjái ovdal

namuhuvvon viidodagain fierpmit sáhttet geavahuvvot čázeoafierbmin. Firpmiid galljodat galgá dalle leat unnimustá 18 millimehtera ja dat oažžu leat eanemustá 50 millimehtera.

14 §

Guollefávli ja bivdosiid gaskkat

Njánnggofierpmi mihkkege osiid ii oaččo ollit váldo- dahje siidorokki guollefávlli rádjái. Guollefávlliin dárkkuhuvvo goalmmát gaskačáhceallodaga mielde joga, čoalmmi dahje baskkáša govdodagas dan čiekŋaleamos sajis. Bivdosiid olggumus oassi ii oaččo ollit gokkoge 10 mehtera lagabui buohtalas gátti, iige rokki sulluid, lássáid ja gárguid, maid gaskii bohtet iežaset rokkit.

Bivdima várás biddjon njánnggofierpmit eai oaččo leat gokkoge 60 mehtera lagabus nubbi nuppi.

15 §

Fierbmebivddu gielddusviidodagat

Njánnggofierbmi ii oaččo biddjojuvvot 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus iige Gálddašjoga ja Badje-Buolbmátjoga njálmmis.

16 §

Sálašalmmuhus registarii

Guollebivdi lea geatnegahtton doallat sálašbeaivegirjji šleatgahámis dahje báhpára alde. Guollebivdi ferte maid almmuhit guollebivddus Deanu čázadagas Norggain dahkkon soahpamuša lánkaásaheami suorggi mearrádušaid fápmuibidjamis ja guoskadeamis addojuvvon lága (176/2017) 7 §:s dárkkuhuvvon Deanu šleatgasálašregistarii juohke bivdojuvvon luosas, dápmogis, ruoššaluosas ja girjeluosas čuovvovaš dieđuid, fuolakeahtá das, leago guolli luitojuvvon vai goddojuvvon sálašin:

- 1) joga dahje jávri, gos guolli lea bivdojuvvon;
- 2) bivdobeavemeari;
- 3) guoli sohkaheami, deattu ja guhkkodaga;
- 4) luitojuvvon guliid meari šlájaid guovdu;
- 5) bivdoneavvu.

Luitojuvvon guoli sohkaheami, deattu ja guhkkodat ii goittotge dárbbas almmuhuvvot.

Sállaša haga báhcán bivdi ferte almmuhit 1 momenta 1, 2 ja 5 čuoggáin dárkkuhuvvon dieđuid.

Sállašat fertetit almmuhuvvot ovdal čakčamánu 1 beaivvi. Almmuhussii galgá gullat gudege bivdojuvvon šlájá ollesdeaddu sierra šlájaid sierranastima mielde.

Bivdolobiid luohpadeaddji geatnegasvuodas ordnet guolásteaddjái beassama šleatgasálašregistarii mearriduvvo guollebivddus Deanu čázadagas Norggain dahkkon soahpamuša lánkaásaheami suorggi mearrádušaid fápmuibidjamis ja guoskadeamis addojuvvon lága 8 § 5 momentas.

17 §

Fápmuiboahhtin

Dát ásahus boahhtá fápmui miessemánu 15 beaivve 2023 ja lea fámus juovlamánu 31 beaivvi rádjái 2023.

Helssegis miessemánu 11 beaivve 2023

Oahpahusministtar Li Andersson

Ráddádalli virgeolmmoš Tapio Hakaste